


Biblioteka Jagiellońska



stdr0007583



1882. II. 3.



1470

pedag

ORATIO

De præsumptione & desperatione,
morum & studiorum
impedimentis.

A

M. Laurentio Swiczkowic Smialecki.

Philosophiæ Doctore & Professore,
In Alma Academia Cracouiensi Anno Domini,
M DC. XXIV, Die I. Aprilis.

Artium liberalium & Philosophiæ Baccalaureorum

Promotore

Habita.

A Philosophica Facultate antè reuisa,
& approbata.

CRACOVIAE,

Anno Domini, 1626.




221924 I br



IN ARMA DVCVM

Illustrissimorum Zassauiensium.

Paucos quos ardens euexit ad æthera Virtus,
Qui illos miraris, stemmata cerne rogo.
Stemmata clara Ducû, quos Zassauv gignit & Ost-
Sunt hæc, quos solus Iupiter æquus amat. (rog,
Iupiter æquus amat, quid amat? super æthera tol-
Illos, id fantur sidera victa polo. (lit
Sidera victa polo volucris superante sagittâ,
Quæ super almorum fert diadema Ducum,
Testantur, quod habent sedem Mars, Pallas, Ap-
Ostrog in & Zassau sedibus eximijs. (ollo,
Diva domus, diuûm quæ fulges numine trino,
Atq; polo, atq; solo, magno & honore Ducû.
Viue, vige, flore, splende, luce, rege, regna,
Vnus dum trinus regnat in orbe Deus.



Illustrissimo Domino,

D. DOMINICO DVCI
IN OSTROG ZASŁAVIENSI,
Comiti in Tarnow, &c. &c.

Illustrissimi ac Magnifici Domini,

D. ALEXANDRI DV-
CIS ZASŁAVIENSIS,
Palatini Braclauiensis, Filio.

M. Laurentius Swiczkowic Smialecki, S. & F. P.



MMORTALITATEM apud mortales Marte & arte comparari, Dominice Princeps Illustrissime, multarum peritus rerum non imprudenter quisq; iudicabit, Nec immerito, Ut namq; exiguum nobis vitæ curriculum natura circumscripsit, immensum gloriæ: Ita non alijs, quàm sago togaq; medijs confici illud omnino voluit, Rem haud secus esse, clarissimis monumentis testata consignataq; antiquitas proloquitur. Neq; etenim Hercules illi, Agamemno-

nes,

VB
Gene

nes, Teucri, Achilles, Heciores, Vlysses, Alexandri Magni, Scipiones, Iulij, Augusti, & alij innumeri heroës, non spiritu, sed virtutis laude æternum superuixissent, nisi Camæenæ & Bellonæ factis immortalitatis, non ætatis insignes claruissent. Vtroq; genere immortalis gloriæ, Princeps Illustrissimus, Heros incomparabilis, Parens tuus inclytissimus, longius, quàm vitæ termini postulant, spe atq; animo de sua suorumq; auorum & nepotum, memoria nominis sempiterna cogitans, te literis & armis inter Sarmatas excellere optat. Dum verò ita ille, non modò non veterum institutioni illaudatæ Megistanum subscribit; verùm sapientissimè simul ac prudentissimè intelligit, quod etiam

Hoc ipso Retit, & Stabit Respublica nostra.

Insuper commemorit te, in virorum sua ætate peritiâ artis militaris & Palladicæ cunctorum existimationem suâ famâ obscurantium Ducum in Ostroglocum, hæredem succedere. Ergò nil non facit, nil non meditatur, quo in te vno superstitem domum illam, quæ antiquitate & celebritate sua non in Sarmatiam totam sese diffudit & sparsit; ast in aliis quoq;

ultimas

Extendit oras; quâ medius liquor

Secernit Europen ab Afro;

Quâ tumidus rigat arua Nilus,

illustrare, adornare, perpetuare queas. Nec vana spes habet eum, dum genij ingenijq; præstantis tui specimina singularia profers; & virtutis ac doctrinæ profectus laudabilis, non dicam scintillæ, sed lumina elucere ex te conspiciuntur. Quæ ego hac in ætate florenti tua admiratus, si non calcar addere proficienti, vel congratulari apud me constitui. Congratu-

landi

landi porro non aliam materiã, quàm hanc de præsumptione
& desperatione, in virtutibus & literis, impedimētis grauis-
simis, Orationem volui esse. Non quòd aliquãdo in aliquod
horum (Deus auerruncet) impingas; sed vt, tanquam in spe-
culo præsens seculum, doctissimis quidem refertum viris ap-
parens, rarissimos tamen solidè verèq; eruditos enitens, cō-
templeris: Contemplatus, te, à vulgo, vt genere summo, sic
institutione morum & scientiarum sublimi, alienum debere
fore existimes. Nam vt sol alia astra lumine; ita tu virtute &
doctrina reliquos superare debes. Et superabis sanè synchro-
nos tibi, veteres uē illos (non fallor augur) adæquabis; Flami-
nium clementia, Mitrydatem iucunditate, Sullam libera-
litate, Scipionem authoritate, Valerium humilitate, Pom-
peium pietate, Attilium sinceritate, Metellum famã, Scæuo
lam fortitudine, Cambissem iudicio, Curium amore in patri-
am, Ostrouios maiores tuos Duces gloriã, vbite in parentis
Illustrissimi tui, & præceptorū Academicorum optimarum
artium notitiã politorum, arbitrium sanumq; iudiciū lū-
bens libensq; informādum concesseris. Quod vt facias, Res-
publica ipsa Polona, Domus tua Regibus proxima, expectatio
tui, parentumq; tuorum inclutissimorum, & gloria immorta-
lis posteritatis expostulat. Vt verò hanc lucubrationem me-
am in Academia Cracou, dum in Artium & Philosophiæ
lauream Candidatos promouerem, declamatam, nuncq; ty-
pis in lucem, à lucē tua illustrari cupientem, mandatam, sere-
nissimo excipias, perlegasq; vultu; meq; in tuorum seruito-
rum habeas numero, vehementer oro. Vale Ducum in O-
strog & Zastauensium singulare decus.

Ex musarum do-
mo Metropol. Leop. Die 15. Aprilis, Anno Christi
M. DC. XXVI.

ORATIO

ORATIO

De Præsumptione & desperatione, studiorum impedimentis.



245
CONSPECTVS hic omnium Vestrum in quæsitâ mihi hætenus non exiguo tempore, non mediocri meo labore, dicendâ materiâ, hoc in augustissimâ Musarû Septentrionis totius emporio, sub hac cœli facie verna mihi luce iucundior gratiorq; apparet, Auditores. Tâta etenim ex vestro vultu, frôte, oculis, veluti quibusdâ simulachris ingeniorum pulchritudo ac decus prodit enitetq; vt nutantem adhuc meam ad se orationem rapiant, animumq; dubium confirment: & quoniam dicendum, non nisi de ingeniorum culturâ & præstantiam impediens me dicere patiamini. Quæ res profectò eò mihi gratior esse debet, quòd

45
nihil potest esse optabilius, nihil hoc loco, hoc
tempore conuenientius, quam vt eam, quam pro-
pè incredibili Dej immortalis beneficio colendā
possessionem accepistis, copiosissimo locupletatā
fructuum omnium genere, atq; admirabili rerum
varietate ornatam, amplificatamq; conseruetis;
Vestrumq; studiosa iuuentus imitata, quod præ
oculis viuum videt & habet, exemplum, à cultura
eius & maturitate, nec abripi, nec impediri pati-
atur. Vobis etiam, vt existimo, non iniucundum
erit audire, si ea, quæ rem omnium, quæ hic orbis
amplectitur, longè pulcherrimam magnificentissi-
mamq; opprimunt, oratione perstrinxero: neq;
verò debere opprimi eam rem, quæ quò vehemē-
tius vnumquenq; sua specie in sui admirationem
rapit ac capit, eò maiorem vobis ac planiorem læ-
titiam afferre debet, quod vestra sit. Quid? Ita,
inquam, vestra, vt cū Deus immortalis amplis-
simum hoc terrarum orbis imperium homini de-
derit, ingenium tamen illi vnum, præter cætera
singulari quadam beneficentia dedisse videatur.
Cuius eam esse naturam, eam naturæ vim insitam
quis mentis optimæ negabit? vt quantum illius
est dedecus, & tenebræ, si aut doctrinarū omniū
luce careat, aut cæteris virtutum ornamentis de-
stituatur,

stituat, tantum in eo lumen, ac tanta maiestas
 eluceat, si neq; vlla rerum præstantissimarum igno-
 ratione inobscuratur, neque vlla vitiorum labe
 contaminetur. Nam cum & coelestès illi globi,
 nescio, quo cieantur impulsu, quem neq; sistere
 vlla ex parte possunt, neq; retro agere, & non mo-
 dò ea, quæ sensu interiore vigent, verum etiam
 quæ suis nituntur stirpibus, ea hauserint à natura
 atq; expresserint, quæ in suo genere perfectæ sint
 omnia. Ita in homine quiddam, quod scientia
 cultum, quod virtute perfectum esset Deus glori-
 osissimus ingeneravit, quodq; ita cæteris naturæ
 quasi miraculis antecelleret, ut se ille vnus homi-
 nis opificem mallet, quàm tot ac tam variarum
 rerum procreatore videri. Quippè hoc vnum
 ut Isocrates dicebat *Τὸν πάσης* mortales efficit:
 Hoc vnum immortales reddit ut scitè vates.

*Singula ne referam, nil non mortale tenemus,
 Pectoris exceptis ingeniiq; bonis.*

DE huius ergo in profectu impedimentis dispu-
 tare institui, ita ut studiosos excolendorum in-
 geniorum, neq; præsumere debere, cum nihil pro-
 fecerint in moribus & artibus, neq; se profecisse
 cum plurimum possint, vnquam desperare non
 minus breui, quàm aperta oratione mea commo-

neam. Vos Iuvenes Nobilissimi, quorum hæc res agitur in præceptorum vestrorum & amplissimorum virorum hoc conspectu grauissimo, vela orationis meæ Fauonijs beneuolentiæ vestræ afflate & propellite, idemq; & Vos amplissimi & doctissimi Viri, qui vel ingenijs currentibus iuuentutis laudis immortalis calcar subditis, vel iam in moribus & disciplinis ingenuis proficientia exornare huc conuenistis, vt faciatis, vehementer oro. Cum diligenti apud me trutina modum in optimis litteris proficiendi perpendo, Auditores, omnes omnis augustioris ac solidioris doctrinæ viros, qui nunquam remotos mentis oculos ab exacta docendi ratione habent, duobus præcipue iuuentutis instituendæ vitiis, & se suo moerentes officio defraudari, & proposito fine lætos non gaudere posse, reperio: alterum est diffidentia, præsumptio alterum. Perniciosissimum vtrumq; profectò malum: Quippè quidquid boni virtus & eruditio mortalibus adferre potest, id totum hoc vtrumq; radicitus tollit. Calamitosissimum vtrūq; appello vitium, quod si ad studium proficiendi, tanquam ad Heraclium lapidem, vel medium aliquod, non conformatur, sed vel illud excedit, vel ab illo plurimum deficiendo recedit, actum de quorumuis

quorumuis optimorum adolescentum optimo ingenio. Quid ita? Vbi enim aliquod animis iuuenum infederit, ac radices egerit, non progredi, sed regredi; non proficere, sed deficere, eos omnino expedit: Vbi vtrumq; neq; tantum absit progredi vel deficere, sed neq; deficere, neq; regredi etiam possunt. Naufragium pati ingenium, qualequale illud sit, & perire, est necesse. Dicenti mihi ea, venit illud in mentem Scyllam, siue ita natura illud comparauit monstrum, siue vitio quodam, ut diuini, si diuini (hoc enim sibi arrogant nomen) fabulantur Poetae, in formam illius mutata foemina pernaugantibus æquor, si non naufragio, periculo certè maximo esse. Prudens fuit Vlysses,

Multorum mores hominum, qui vidit & vrbes,

at eam tutò cum illa classe sua sociisq; præterire nequaquam potuit. Sed enim ego cimbam in studio agentibus ingeniis, si vel vni, quod periculosum, vel vtriq; quod periculosius, vitio applicuerint, si non naufragium, certissimum discrimè augurari, imò polliceri possum. Scyllæ sunt, Syrtes sunt, Charybdes sunt & scopuli ingeniorum Encyclopediam virtutum & artium bonarum, tanquam aliquod mare percurrentium, aut diffidere, aut, confidere nimis de profectu suo. Hinc namque

○○○○

fit, vt neq; excellentes velint, neq; esse possint:
Hinc fit, vt GLORIA, -----

---- fax mentis honestę
restringatur. Rem se ita habere luce clariùs con-
stabit, dum singula hæc mala singillatim persequar
& ostendam. Atq; vt indè. Res equidem ardua
supra omnem modum atq; difficilis esse videtur,
vt quis ad optatissimum scientiarum culmen per-
ueniat, &

*pauci, quos æquus amavit
Iuppiter, aut ardens euexit ad æthera virtus,*

id assequi potuerunt: non tamen ideò desperan-
dum, aut animo deficiendum est: Verùm illud
semper animo voluendum, atq; cogitandum. Ni-
hil tam arduum aut difficile reperiri posse, quò fa-
cilè virtus inflammata non aspiret: Neq; quid-
quam tam altè posuit natura, quò studium & amor
eniti non possit, &

Late conspicuum tollere verticem,

Natūra ita comparatum est omnibus in rebus, vt
quæ in quoq; genere præstantissima sunt ac hono-
rificentissima, ea maximas etiam secum annexas
difficultates habeant & ferant, adeò vt illud verū
sit *δυσκολὰ τὰ καλλὰ*. Sed animi fortitudo atq; cō-
stantia nullam omninò difficultatem perhorrescit,

nullam

nullam asperitatem pertimescit : quin potius ipsi
honestatis & gloriæ causa, quæ virtutis amplissima
sunt præmia, quemuis durum immensumq; labo-
rem subire non recusat, imò à ferendo se non ex-
cusat. At proh dolor plurimi sunt, qui aut humi-
litate animi, conatus suos frangunt vel retardant,
aut laboris fuga nihil amplum in diuinarum hu-
manarumq; rerum cognitione propositum, nihil
magnificum intuentur.

*Quam miseros tramite devio
Abducit desperatio!*

Satis, inquiunt, nobis est levis quædam scientia,
summam illam & profundissimam, & quæ vix pau-
cis magno labore, ingenio magno contingit, sa-
pientiæ gloriam nihil moramur. Quid opus est
istâ nimium exquisita ac profunda rerum notitia,
si indocti nos, cum differimus, admirantur, sapi-
entes intelligunt? Rectè tu quidem, quisquis es,
rectè, inquam, si tamen vis esse vnus de populo, si
nullû appetis sapientiæ culmen, nullum in vitæ splē-
dorem desideras, nullam famæ commendationē
curas: Rectè inertiam tuam ignauo Saturni aspe-
ctus sydere prætexis despicientiâ huiusmodi glo-
riæ: Sin autem id rectius & sapientius esse iudi-
cas, magisq; ad dignitatem tuam pertinere, vide

OOO

nè tibi ipsi blandiaris, & in iudicando non sequaris rationum pondera, sed propensionem mollis animi tui. Scientijs cognoscendis operam nauas? ita est. Vis haberi doctus? etiam. Pulchrum esse ac præclarum putas quidquid velis, cognoscendo scire? maximè. At quæ est ista sapientia, velle aliquod maximum, & aliquem sibi statuere in eius magnitudine modum? vt velle quidem ex vna parte, ex altera nolle videaris, & res ipsa ab oratione dissentiat? Statuendum est semel tibi, si vis proficere, vt velis, neq; spem deiiciendam. Cogitandum tibi leues esse homines, ignauos, miseros, quos quædam magis terrent, quàm debeant quædam antè terrent, quàm debeant, quædam deniq; terrent, cum omninò non debeant. Sibi ipsi augent timorem, aut præcipiunt, aut fingunt, sciunt tamè ab immortalibus labore vendi omnia mortalibus; eundemq; fieri assuetudine leuiorem, nec compensari tantum boni adeptione, sed etiam spe adipiscendi. Vis igitur proficere? dic illud cum Pœta,

Odi homines ignaua opera Philosophæ sententia,

simulq; studium cum ipsa reiungas; negligentiam diligentiam, ignauam labore, molliem animi duriæ tollerantiam insequaris oportet. Quidam an-

tiquorū

quorum monimenta diligenter aliquando legentes in admirationem illorum rapti, tantam illis in omni artium genere laudem tribuendam esse censent, ut nullum sibi posterisq; suis ad famam & gloriam relictum esse campum arbitrentur, & idcirco spem suam intercludunt. Duco ego quidem, ut semper verissimum esse duxi: Res maximas summasq; artes & iuuentas acutissimè, & tractatas ornatissimè, ad nos à veteribus peruenisse: Sed nulla rarione probandum puto, non eorum nos vestigijs insistentes vel parem nobis laudem posse, ex eodem illo antiquorum studiorum curriculo vindicare: si non inuentis à nobis ipsis nouum laudis nomen comparare. Neque sanè quidquam causæ, quòd nostros conatus queat reprimere ac impedire: quod si aliqua est, eam profectò, vel ab ingeniorum nostrorum imbecillitate, vel centè à rerum cognoscendarum multitudine proficisci existimandum. Quibus tantum ex rebus, impedimentum vllum nobis parari posse quisque non ineptè affirmabit. Nam ut de ingenijs primum dicam, quorum hebetatam aciem esse, ab ipsa quasi natura defatigata, quidam conqueruntur; quid est tandem causa, cur natura hoc tempore tardiora, quàm olim, humana ferat ingenia? At natu-

ra certè communis omnium parens, in omnibus
 suis rebus obeundis, admirabilem constantiam,
 incredibilem quandam æquabilitatem, immuta-
 bili prorsus æternitate tueri solita est. Equidem
 dum contemplamur venerandam illam splendidis-
 simorum corporum cælestium faciem eandē esse,
 eandem ~~esse~~ motuum variorum ordinatissimam
 dispositionem, eandem naturalem eorum conuer-
 sionem, eosdem illorum luminarium, quæ vicis-
 situdini minimè sunt obnoxia, itus & reditus, re-
 perimus. Cùm vniversum cœlum, vt antè, nunc
 torqueatur; cùm sol & reliqua astra, nunc etiam
 lunæ concauo gremio omnia concepta, clarissi-
 ma, vt quondam luce collustrent, cùmq; item
 eadem omnium rerum naturæ sint elementa; cū
 denique cætera, quæ longe maxima sunt eodem,
 quo antehac modò oriantur & occidant. Curi-
 gatur homines aut ad inueniendum hebetiores, a-
 ut ad intelligendum tardiores natura hoc tempo-
 re, quàm antea procrearit? Satis nec mirari, nec
 intelligere possum. Scilicet non est tam lasa & ef-
 foeta natura, vt nihil iam laudabile pariat, doctissi-
 mo autore Plinio. Quid pergo? Testes vos ego
 appello naturæ indagatores solertissimi, qui à ve-
 stro & omnium rectè Philosophantium principe,
 quid

○○○○

quid dico principe ? ipso totius naturæ oculo per-
spicacissimo (scitis benè quem intelligo) edocti,
accepistis eadem principia rerum generationi &
corruptioni subiectarum , de quibus dum viueret,
docebat, & vitâ functus scripta sua diuina de ijsdè
vobis legenda reliquit. Testes vos appello rerum
coelestium speculatores diuinissimi, qui syderum
eosdem sæpè redire situs, eadem themata aliquan-
do, quæ priscorum temporibus Astronomorum
esse continebat, contingere in natalibus conspi-
citis. Si ita est, quemadmodum est; Parens
artium antiquitas, æquè posteritatis ingenia
ex ijsdem principijs, sub fælici sydere quoq; na-
sci felicia libenter concedet. Neque in labris me-
is hæc nata sententia, in fibris ipsius rei naturæ,

Credite me vobis folium recitare Sibyllæ.

Quid ultra ? Iam credo, nihil tam arduum, tam
difficile, tam inuium esse, quod non ingenio se-
quisquam consequi, non percipi posse existimabit:
Neque si ingeniorum & agrorum rationem dili-
genter considerabit, non eandem esse iudicabit.
Quemadmodum enim fæcundissimus ager, nisi
quotidiana exerceatur cultione, siluescit: Sic o-
ptima ingenia, quæ nunc etiam plurima generari
contingit, nisi perpetua exercitatione excolantur,

B ù

exarascant

exarescant penitus est necesse. Quinimò ingenia
 exulta copiosiores fructus, quàm agros profer-
 re quis dubitabit? Agrorum enim virtus, aut celi
 temperatione commutatur, aut temporis diutur-
 nitate imminuitur: ingeniorum vires nulla ratio-
 ne prorsus, nisi fortè locordia vel fracta spe animi
 proficiendi, debilitantur, franguntur, opprimū-
 tur. Huc accedit, non, vt aliarum rerum omni-
 um, sic ingeniorum quoq; grauem obrepere sene-
 ctutem, existimandum esse: quippè quæ firmissi-
 mo ac propè immortali quodam quasi naturæ ro-
 bore sepiantur. Nam, nî ita esset, quotus quisq;
 est, qui non intelligat aut primis, aut secūdis ipsa
 confici sæculis debuisse? Nunc verò cū eā vi præ-
 dita sint, vt quò diutiùs post maiores suos degant,
 eò vehementiùs vigeant, vireant, floreat, quid
 est, quòd de eorum imbecillitate addubitandum
 magis hoc æuo sit, quàm post Socratis Platonis,
 Aristotelis, Demostenis, Ciceronis, & eorum æ-
 qualium tempora dubitatum fuit? quorum tanta
 extitisse in omni disciplinarum genere laus credi-
 tur, vt & superiores suos omnes superâsse, & po-
 steris omnibus, vt præluxisse, ita spem in perpetu-
 um melioris cognitionis rerum videantur ademisse?
 Non est hoc, mihi credite, non est. Vt namq;

illos ipsos

illos ipsos ad ea, quibuscumque operè floruerunt, studia, maiores sui nequaquam remorari sua incredibili laude potuerunt. Ita his temporum momentis illorum magnitudo ingenij, illorum summa omnium sæculorum gloria, nulla ingenia retardare, excitare potius, inflammare, exemplum viuum dare ad imitandum possunt. Reiū etiam ipsa, quod alterum desperantes iactitant argumentum, rerum, inquam, ipsa multitudo spem profectus augere discentibus, non diminuire potest. Neque enim earum aut euoluta satis, aut prompta est varietas, sed obscuro & inexplicabili quodam quasi inuolucro implicata, & vt quidam Philosophi tradiderunt, in profundo ita merfa, vt nec vnus labore, neq; vnus ætate, sed plurimorum hominū industria, multorum sæculorum spatio eruenda videatur. Sensit id olim Romanus Sophus, dum inquit, Veniet tempus quo posterius nostri, sibi aperta, nos nescisse mirentur: Et, aliquid veritati & posterius conferent. Sensit idem Colamella, qui nullam esse disciplinam aut artem dicit, quæ singulari consumata sit ingenio. Sensit idem Apuleius, qui nihil omittit esse, quod possit in primordio sui perfici, asseuerat. Itane est? Ita sanè. Quàm multa etenim sunt, quæ non dico Aristotelem,

❧❧❧❧❧

aut Platonem, aut qui ambos ætate præcessit, Socratem, sed eos quoque omnes, qui aut proximo, aut longo successerunt interuallo, etiam quærentes latuerunt, vtrò autem sese nostris aut patribus? aut maioribus prodiderunt. Quàm multò certiùs profectò & cælestium orbium, & stellarum errantium numerus & motus, ab his, quàm ab illis, est & inuestigatus, & traditus? Quàm tot apparentiæ illæ, in illis luminaribus perpetuis maculæ & faculæ diligenter & lynceis quasi oculis perspicacissimè obseruatæ? Quàm scitè terræ ipsius remotissimæ ac penitus abditæ partes, quò non solum non penetrauit antiquitas, sed nè adiri quidè posse, natura ipsa repugnante, existimauit, & maximo consilio sunt, & præstanti animi magnitudine peragrata? Magnus erat re & nomine, Rex & Regis filius Alexander magnus, at quàm multò maior post eum Megallenicus ille, qui totam mûdi terram, quâ longè lateq; iacet, Oceano circumcuiuit, & non tam ditioni, quàm cognitioni suæ adscripsit! Iam verò & ad alienissimas ac maximè longinquas nationes vel vsus, vel victoriæ causa, non modò comparata est reliqua nauigatio melior, sed & res ipsa militaris ac bellica nouo & antè inaudito tormentorû genere est instru-

etior

Etior. Rem item literariam publicam, cuius estis magna pars, an non instructiorem nunquam audito olim genere exprimendi cognoscitis? Mitto plurima in quouis disciplinarum genere vel inuenta, vel exactius, quam priscis illis temporibus, cognita & perspecta. Quæ si omnia sunt perspicua, simul illud perspicuum esse quis non videt? eandem, quæ veteribus fuit, aciem ingeniorum manere, quin si cum longo usu, tum exercitatione multa acuatur, multò etiam præstantiorem fore? Est igitur, est, hæc in adolescente quouis prima atq; maxima proficiendi ratio, si persuasum habuerit, nihil in omni disciplinarum genere tam esse obscurum, nihil tam reconditum, nihil tam admirabile, quod non possit hominum intelligentia faciliè illustrari, ingenij acumine penetrari, studio atque industria superari. Si spem animo conceperit, credat mihi fore, ut aliquando factum progeneret, & labore suo doctrinarum arcem summam obtineat, ut aliquando pleròq; sui ordinis homines, longè infra se positos relinquat, & læto alacriq; animo despiciat. Nihil est, quod iuveni tantoperè noceat: nihil quod ab ingenuis disciplinis magis retrahat, quam ad summam eruditionem ac sapientiam euadendi diffidentia.

Hæc

○○○

Hæc pestis ingeniorum est, hæc fortem & audentem animum infringit, hæc discendi cupiditatem ardoremq; extinguit, hæc omnes animi vires debilitat, hæc deniq; non tantum remissum in studiis & frigidū, sed etiā planè negligentem, inertem, ineptum re ipsa facit. Sed contrā; quem non erigit haud dubia spes proposita? quem non incendit honor certus? quem non inflamat aperta dignitas? quos animi impetus, quas flammæ, quos ardores ad discendum non commouent, ad opes, ad gloriam, maxima atq; certissima præmia? Concipienda quamobrem animo spes optima, concipienda? Cæteroquin enim, ut doctè Hieronymus, ubi (inquit) perit spes, appetendi omnis conatus perit, consequēdi desperatione. Pulchrè Flavius, ubi non est, ait, spes vlla complendi, nō est ratio conandi. Prudenter M. Aurelius. Cuius, dicit, consequendi spes nulla affulget, eius persequendi cupiditas animum non inuadit. Ergo certò credendum, Nihil esse volenti difficile. Non ambigendum Animum hominis, quidquid sibi impetrarit obtinere: Tenendum, labores spem è vestigio concomitantes, honorem parere parareque: Labori incumbendum, ubi effectus promittitur, teste Fabio: Sciendum, Non currenti præ-

C

mium non dari. Non ignorandū, curriculū contentione cursus desiderari, cursu sudorem excitari, sudore ad palmam perueniri. Apagesis igitur ô ignorantiae basis in proficiendo diffidentia perniciosissima. I, pete Cymmerias tenebras, vbi nullum lumen diuinæ & humanæ sapientiae vquam accenditur, vbi nulli radij solis humani, hoc est, intellectus, illustrare quenquam conspiciuntur: Ibi tua, per me licet, castra metator, signa ponito, regna occupato, vmbriis regnato, tenebris latitato. Neque amplius est, quod Cynosuram retrospicias, vel in Septemtrionem Sarmaticum pedem referre contendas. Quod si redierit, redit aliquando tamen; si animos imperitiae iuuentutis occupauerit, occupat tamen; si tenebris inscitiae inuoluerit, inuoluit tamen, anchora firmada studiosae nauis tutissima, spe videlicet optimam progrediendi conceptam, hoc vitium cane peius & angue fugiendum, non excipiat, reijciatur, remoueatur, non foueatur.

Audistis iam vnum proficientibus impedimentum, sequitur alterum praesumptio. Quintilianus ille optimus instituenda iuuentutis magister, confidentiam in profectu nimiam appellat: Verum ego lernam multorum malorum inpraesentiarum nuncu-

○○○○

pabo. Quid Iernam? Ita est. Hydra namque
excetrauè ignorantiae prauæ, hanc paludem oc-
cupatam incolit. Hinc fastus, hinc arrogantia ia-
ctabunda, hinc inanis ingenioli iactatio, hinc
gloriolæ vana captatio, hinc in proficiendo me-
ra negligentia, hinc artium earumque cultorum
grauis despicientia, hinc insignis stultitia, &
quid ego scio? quæ alia sine numero, hinc ori-
untur. Quid ego inquam scio? Scio tamen vel
hoc vnum, Omnes nempè, quos obsides istud
malum tam varium ac pestiferum tenuerit, illos
cæco sui amore correptos, obliuisci sui. Didici e-
go Medicos morbum illum, quem animi defecti-
onem Latini, Græci Syncopen vulgò appellitant,
docere tunc accidere, quando omnium virium
præceps lapsus accidit, adeò vt qui illo opprimū-
tur, nec audiant, nec videant, nec sentiant, nec
moueātur, & vt vno verbo expediam, omnes fun-
ctiones vitæ quasi interceptas habent. Sed cùm
diligentiùs rē profectò dispicio, ex præsumptione
deriuatā defectionem à vera sapientia & istā Syn-
copen, obliuionem sui meritisimò existimo.
Aeger enim animus hoc vitio, viribus penè desti-
tutus suis in præceps opprimendus labitur, con-
sistere secum nequaquàm potis est, iam non au-
dit,

dit, iam non videt, iam non sentit, iam non mo-
netur, iam quod extremū est, nullis functionibus-
vitæ perfungitur, & mortis imagine iam adūbra-
tur. Vultis apertius dicam? Ignorantiā summā
per obliuionem sui oblitteratur, ita vt si medendū
est, non Galeni, nō Hippocratis, quibus clario-
res mundus non vidit medicos, non ipsius Chi-
ronis vel Aesculapij, à quibus inuenta esse perhi-
betur medicina; sed ipsius Dei Apollinis cœlitūs
delapso remedio γυνή σέδεται, vsus fuerit. Tanto
morbo tantus medicus sano consilio, & diuinitūs
dato medicamēto vix opem ferre valet: tum de-
mum vix conualescere, hoc est, sapere & profi-
cere aliquid poterit, vbi se cognoscere, qui est
primus sapientiæ gradus, inceperit. Quid lêthe-
um vitiosum amorem sui perstrinxero? Lipothi-
miam, quæ eadem cum syncope propinat agris
venena, nisi quod mitior sit, nuncuparem. Ete-
nim quid aliquid proficientem in sapientia homi-
nem sui obliuisci facit? Amor sui; Quid se malè
audire non audire facit? Amor sui. Quid men-
tem constrictam habere non sentire operatur?
Amor sui. Quid peccantes alios animi affectus
progenerat? Amor sui. Amor vitiosus sui à ni-
mia confidentia profectus omnium affectuum ra-

XXXXXXXXXXXX

dix, principium, seminarium. Neque ego hæc dico, quamuis dicā, dicit Maximus vir magnus, Omnium affectuum principiū est amor sui; Finis autem superbia. Dicit diuinum spirans Diuus Gregorius, Amor sui vehementer claudit oculū cordis, & valdè humanam mentem excæcat. Dicit supratertium cœlum Doctorali redimitus mitra Doctor gentium Paulus, Voluptatum, hoc est, sui amatores plusquam sexcentis scatere virtijs, neq; finem, cuius gratia hunc in mundum descenderunt mortales, beatitatem illam adepturos. O

Egregiam verò laudem, & spolia ampla refertis,
qui tantum à præsumptione profectus in bonis virtutibus artibusq; in tot tantaq; mala vltro citroq; proficitis. Hei reuocate gressum, si sapitis, si vos vitamq; vestram, si gloriam solidam, si fortunas vestras diligitis reuocate gressum. Multū equidem credite proficietis, si à præsumptione ista profectus vestri recurrere cogitetis. Memineritis initium proficiendi, proficere velle, neq; se profecisse putare: utq; non minùs verè, quàm splendidè Fulgentius, Primum scientiæ vestibulum scire quod nescias. Rectè ergo ille, iamdu-
dam, inquit, nostri adolescentes profecissent,
nisi

nisi se profecisse putent. Non minùs rectè & Leo
 Magnò, idèq; Pòtifex Maximus, Nemini, ait, præ-
 laudandum esse, quod totum quod quærit inue-
 nerit, nè desinat appropinquare, quàm ce-
 perit accedere. Sedenim non nulli, qui ad hoc
 celeberrimum, tot doctissimis viris, tot præce-
 ptoribus fidelissimis, quotquot aspicitis coràm,
 Musas ipsas vos aspicere putetis, refertissimum
 gymnasium studiorum gratia concurritis, studui-
 stis, profecistis, scholas politiorum literarum artis
 dicendi, disputandi, Philosophandi, curricula
 percurristis. Percurristis sanè, & ideò vos nihil
 profecisse, multis parasangis defecisse à vera &
 solida eruditione, angustioris & solidioris institu-
 tionis Academicæ, virtutum & disciplinarum ma-
 gistri inueniūt, quia percurristis: Hoccinè est pro-
 ficere, audire, scribere, discere, vt vbi à fucatis
 illis magisterculis vestris hùc appuleritis, nil sci-
 re reperiamini? Qui dum vos ad vulgi opinionē
 docent, mutata literula, vt rem acu attingam,
 nocent valdè, imò vos excæcant. Qui profectū
 suum ad eiusdem opinionis fumos retinendos in
 vobis dum iactant, teneros & adhuc vix in herba
 vestros animos infælici oculo infascinant, qui dū
 è scholis suis in rem publicam vos, vel Academiā

61
tali profectu exultos emittunt, dementant? O
miserum profectum eiusmodi adolescentum! O
infelicem huiusmodi institutionem infelicium præ-
ceptorum! Non talem, te apello Inuictissime
Princeps Diue Wladislæ, exoprasti Reipublicæ
Polonæ iuuentuti eruditionem, non tales voluisti
professores illi præficiendos, cum inclyti Septē-
trionis totius vnus huius Lycei fundamenta pri-
ma locares, cum seruandas libertates aureas cō-
cederes, cum dignissimos præceptores aduoca-
res, cum præmia & honores amplissimos propo-
neres, cum hanc deniq; Academiam omnium
virtutum & scientiarum parentem & fontem, tu-
is exornatam beneficijs perennare in votis habe-
res. Et perennat illa quidem feliciter, & pluri-
mis licet agitata fortunæ procellis, fructus à te e-
xoptatos, à Republica expectatos fecundissima
assiduissimè parturit, gloriosissimè enititur, fru-
ctuosissimè alit. Porro hæc dum illa studiosissimè
omnia, fucatam utiq; gloriam aspernatur, quod
non Deo, non hominibus acceptum est, auersa-
tur, huicq; aduersatur. Pallium opinionis fictæ
veræ scientiæ postponit, hanc amat, illam odit,
hanc prosequitur, illam persequitur, hanc colit,
illam ut lacertam fugit. Nouit, nouit optimè,

Academia

Academia solidae amatrix, imò matrix gloriae, no-
uerunt celeberrimi ex ea creati professores, quod

*Plenior est fastu, tantoq; superbior omnis,
Quò virtute minús, quò minús arte valet.
Sic pinguedo natat, quantumvis sordida sursum,
Et sibi supremum. vindicat alta locum.
Sæpè minuta nitent auri mentita colore,
Defraudantq; oculos lumine sæpè suo.
Quid leuius fumo? se fumus tollit in altum.
Quid vox est? tamen hæc per nēmus omne fremit.
Dolia plena crient nullum pulsata fragorem.
At digito tactum vas quod inane sonat.
Horridus in solida nunquam fremit arbore ventus.
Frugis inops sursum tollit arista caput.*

Ita indocti illi, qui se doctos iam euasisse, & omni-
bus numeris doctrinae absolutos esse existimant,
humoribus & tumoribus istis vitiosis turgent ac
tument. Sed quæadmodum tumor in aliquo cor-
poris mēbro, illud ipsum ex phlegmone inutili la-
borare, inspicientibus, indicio est: Nō secūs ipsa
ægritudo, animi præsumptio, ignorantia cer-
tissimum est argumentum. Quapropter etiam mi-
nimè mirandum, si rari appareant enatentq; ex
hoc gurgite vastissimo doctissimi viri, neq; illis,
quibus studiorum summa reuerentia, summus a-
mor studiosorū fuit, æquandi, euadere inueniun-
tur. Illi enim priuatis non contenti Musis, au-
diendi

Itudiosi; atque vtrāq; nescimus. Ita enim hinc fit,
ut cum nihil sciamus omnino; fallimus nos tamen,
& opinione scientiæ subinflati (cum Arnobio lo-
quar) pectoris tumore tollimur. Scilicet, ut queri-
tur Plinius, statim sapimus, statim scimus omnia.
Cispellite saltē has ab oculis caligantibus nu-
bes, solem veritatis intuiti, aliter in profectu quā
præsumēdum sit, cognoscetis. Curari saltē pa-
tiamini Symptomata ista, & vlcera fetidissima a-
nīmōrū, sani in omni sapientia plurimū proficie-
tis. Contendite igitur florentissimi adolescen-
tes, qui estis in curia ad summum proficiendi vir-
tutum & disciplinarum fastidium intendite ner-
uos omnes, vires, industriam: erit vobis vel for-
tunatus in proficiendo euentus, vel conatus ipse
gloriosus: quin potius, (ominari audeo), fortu-
natus euentus; cum labori & studio nulla virtutis
via sit inuia, nil arduum, nil difficile, nil non pos-
sibile. Sumite vobis imitandi exempla innume-
ra numina & lumina Reipublicæ illa magna, Car-
dinales, Archiepiscopos, Episcopos, Palatinos,
Castellanos, Tencinios, Hosios, Rosas, Sbigne-
os, Oporouios, Lubranscios, Tomicios, Misco-
uios, Samotulscios, Qeiescios, Jordanos, Lige-
sas, Cromeros, aliosq; infinitos, qui Laureis inli-

ignes, Pontificiâ & Senatoriâ dignitate primariâ
illustres & aucti, ex hac aula Regia Musarum pro-
dierunt, quorum quidquid adhæsit gloriæ,

Troica vincet

Secula, & Euboici transcendet pulueris annos.

Proponite vobis præ oculis illos Socolouios, Gor-
scios, Dobrociescios, Schoneos, & alios innume-
ros professores inclytissimos, quorum genio &

ingenio stat sine morte decus.

Quid pergā proponendū, si non imitandum tute-
lare illud perpetuum numen Beatum Cantium,
qui micat inter omnes Academiæ stellas,

Velut inter ignes,

Luna minores,

exorandum certè, vt obices istos in proficiendo
periculosissimos precibus amoueat. Sequimini
viua ista ante oculos constituta exempla, Præce-
ptores ipsos inquā vestros ac Professores dignis-
simos, quorum virtutem, doctrinam, laborem,
industriam,

nec ventura fitebunt

Lustra; nec ignota rapiet sub nube vetustas.

Concomitamini hosce candidatos meos, vt ætate
iūuenili, ita profectu in virtutibus artibusq; opti-
mis virili conspicuos; quos dum iam primâ lau-
reâ insignire apparo, vobis missis, breuib; ap-

pello



pello. O Venerabiles Candidati mei, quia cautes istas morum & studiorum Marpesias, ac pestes perniciosissimas (præsumptionē desperationēq; intelligo) cæco odio persecuti effugistis, eoq; tandem ingenio acri, studio inflammato, labore indefesso, diligentia summâ peruenistis, quod virtutis vestræ & profectus litterarum vberimum præmium, publicum honorem Academicū prentatis, felices existimo. Fælices profectò existimo, quia hunc honorem & dignitatem esse à principe sede Musarum excitationem & calcar vobis ad maiora, reliquis ad similia, optimè prævidistis. Et quoniam maior virtuti vestræ aperitur campus, per hanc insignem lauream primam, pergite magis, & maiori studio, diligentia, atq; vigilijs eam exornate, in publicum producite, patriæ & ciuibus; omni contentione animi atq; inprimis virtute & dignitate. Etenim ita decorum est, ut probitate emineat, qui dignitate. Postulat hoc & fama vestra, quæ parum pura, si nō vita. Omnia quippè facta dictaq; vestra iam rumor excipit, nec magis vobis, quàm Soli latere contingit. Addite & illam, quæ omnem ætatem, sexum, ordinem decet, modestiam. Sicut namq; ad coruscationem aut maiorem lucem oculos claudimus: sic vos a-

XXXXXXXXXXXXXXXXXXXXXXXXXXXX
nimum deberis ab omni immodestia ad honoris
hunc splendorem.

Non se meruisse fatesur,

Qui caruisse putat.

Sed quid ultra? Agamemnon apud Homerū cum
alios praelio animasset, ad Aiaces veniēs negat se
id facere. Neque decere apud sponte sic proptos.
Idem ego in vobis Candidati mei, stimulis parco,
eorum non egentibus. Vota addo. Mens illa su-
prema, à qua omnis est mens, vobis eam mentē
inspiret, ut in vsum boni publici, per hoc publicū
præmium atq; elogium magis in dies assurgatis.
Quosego autoritate Dei Opt. Max. Sedis Apo-
stolicæ, Priuilegiorum Academiæ nostræ conces-
sorū, & meā, quā hac in parte fungor, Vos omnes
& singulos creō, facio, enuntio clarā voce, Artiū
liberalium, & Philosophiæ Baccalaureos; doq;
vobis hīc & vbiuis locorum potestatem do-
cendi, legēdi, disputādi, optimos quosq;
Auctores interpretandi, idq; in no-
mine SS. & indiuiduæ Trini-
tatis, Patris, & Filij, &
Spiritus Sancti.

DIXI.

